

INFORMAZIOAREN ETA KOMUNIKAZIOAREN TEKNOLOGIETAN ETA KULTURA DIGITALEAN EUSKARA SUSTATZEKO JARDUEREN KONTRATAZIOA ARAUTZEN DUEN AGIRIA

1. GAIA

Agiri honek arautzen ditu aldeen eskubideak eta betebeharrak zehazten dituzten itunak eta baldintzak, euskara kultura digitalean eta Informazioaren eta Komunikazioaren Teknologietan (IKT) sustatzeko jarduerak, haur eta gazteengan eragin berezia izanen dutenak, kontratatzerakoan kontuan hartu beharreko alderdi juridikoei, administratiboei, ekonomikoei eta teknikoei dagokienez.

Zerbitzu-kontratu honen xedeari dagokion Kontratu Publikoen Hiztegi Komuneko nomenklatura (CPV kodifikazioa, Batzordearen 2013/2008 (EB) Erregelamenduan ezarria) honako hau da: 85312320-8 Aholkularitza zerbitzuak.

Kontratua administratiboa izanen da, kontratugileak honako hauen mende geldituko direla: baldintza agiri honek ezartzen duena, Kontratu Publikoei buruzko apirilaren 13ko 2/2018 Foru Legea, eta Nafarroako Foru Komunitateko Administrazioaren kontratazioa arautzen duten beste xedapen guztiak.

Halaber, baldintzetan jasotako jarduera guztiak agintari eskudunek une horretan adierazitako COVID 19 osasun-larrialdiaren ondoriozko segurtasun-neurrietara egokitu beharko dira. Jarduerak egitea ezinezkoa balitz, kontratua etena geldituko litzateke eta enpresa adjudikaziodunak etendura gertatu arte egindako lanengatiko kalte-ordaina kobratuko luke, kontratazio publikoaren eta administrazio-izapideen arloko araudiari jarraikiz.

Bi lizitazio-sorta ezarri dira:

1. 1. sorta: Euskarazko IKTei buruzko bi jardunaldi programatzea, D ereduko DBHko 4. mailako eta Batxilergoko 1. mailako ikasleentzat.
2. 2. sorta: Kultura digitalari eta IKTei buruzko 18 ikastaro eta lantegi labur herritar guztientzat (helduak nahiz gazteak), eskolaz kanpoko ordutegian.

2. EGIN BEHARREKO LANEN BALDINTZA TEKNIKOAK.

1. sorta: Euskarazko IKTei buruzko bi jardunaldiren programazioa diseinatzea. Jardunaldi horiek eskola-orduetan eskainiko zaizkie D ereduko DBHko 4. mailako eta Batxilergoko 1. mailako Nafarroako ikasle guztiei.

Aurrez aurrekoa bada, urrian bi jardunaldi egingen dira Baluarte Biltzar Jauregian, Iruñerrian hezkuntza-maila horiek eskaintzen dituzten ikastetxe guztietako 400 ikaslerentzat gutxienez.

Gainera, antzeko prestakuntza-proposamen bat eskainiko da Iruñerritik kanpo dauden eta D ereduko DBHko 4. mailako eta Batxilergoko 1. mailako ikasleak dituzten ikastetxeetan bertan emateko (gutxienez 275 ikasle).

Horretarako:

- Hainbat lantegi prestatu behar dira.
- 20 minutu inguruko aurkezpen edo hitzaldi laburren ziklo bat antolatu behar da, kultura digitalean, oro har, eta IKTei euskararekin lotuta dauden proiektuei buruz.
- Zehaztuko behar da enpresak berak zer baliabide jarriko dituen jarduerarako.
- Kontuan hartu behar da azpiegitura teknikoa (ordenagailuak, sareko konexioa, proiektagailua, lokalak eta dagozkien aseguruak...).

2. sorta: Kultura digitalari, oro har, eta IKTei buruzko 18 ikastaro eta lantegi labur egitea; horretarako, 5 modalitate desberdin diseinatu behar dira. 18 ikastaroak eman behar dira Nafarroako 10 herritan gutxienez, horietatik, 3 gutxienez Nafarroako Pirinioetakoak izango direlarik. Ikastaroak eskola kanpoko ordutegian, eta herritar guztientzat zabalik egon behar dira.

Iradokizun gisa, lantegi hauek proposatzen dira, baina enpresa lizitatzaileraren esku uzten da beste aukera batzuk planteatzeko aukera:

- Youtuber izateko ikastaroa.
- Blogari izateko ikastaroa.
- Robotikako ikastaroa.
- Sare sozialetako arriskuak.
- Musika sortzeko, nahasteko eta hedatzeko APPak ezagutzera emateko dibulgaziozko lantegi praktikoa.

Bi sortek bete beharreko baldintzak:

COVID-19a dela eta, bi sortak egiteko lekua eta modua egonen dira lizitazioaren xede diren jarduerak gauzatzeko unean dagoen osasun-larrialdiko egoeraren mende, eta, beraz, jaso beharko du egoera posibleei emanen zaien erantzuna:

- a) Lehenetsiko da aurrez aurreko modua, eta kontuan hartu beharko dira osasun-agintariek gomendatutako urruntze- eta higiene-neurriak. Kasu horretan, 1. sorta Baluarte Biltzar Jauregian egingen da, baina ezinezkoa balitz horrelako ekitaldi bat egitea, orduan eskaintza ikastetxeetara eramanen litzateke.
 - b) Erdipresentziala izanez gero, adierazi behar da kasu horretan nola kudeatuko diren eskaintza telematikoa eta aurrez aurrekoa.
 - c) Soilik bitarteko telematikoen bidez eginez gero, zehaztu behar da kasu horretan nola beteko diren agiri honetan jasotako helburuak.
- Lantegi, hitzaldi eta jarduera guztiak euskaraz egingen dira osoki.
 - Aurkeztu behar da ikastaroak eta lantegiak emanen dituzten hizlarien zerrenda, baita horietan parte hartzeko duten konpromiso argia ere.
 - Enpresa adjudikaziodunaren ardura izanen da beharrezko baliabideak antolatzea, bai eta lokalen erreserba eta dagozkien aseguruak egitea ere. Zehazki, enpresa adjudikazio-hartzailea arduratuko da jarduerak egingen diren tokietako ikastetxeekin eta udalekin harremanetan jartzeaz, jarduera horien gaineko xehetasun guztiak zehazteko.
 - Kontratuak irauten duen bitartean, komunikazio-ekintza oro gutxienez 10 egun lehenago bidali beharko da, onetsia izan dadin.
 - Sortutako materiala ostatatu beharko da <http://www.sareaneuskaraz.eus> webgunean, zeina Nafarroako Gobernuaren jabetzakoa baita. Agiri honetan agindutako zerbitzuen artean, jardueretan parte hartzea errazteko tresna interaktibo bat garatu behar bada, ekitaldiaren orri ofizialari lotua egon beharko du, eta haren titulartasuna ere Nafarroako Gobernuarena izanen da.
 - Enpresa adjudikaziodunak bi badira (sorta bakoitzeko bat), harremanetan jarri beharko dute, elkarrekin egiteko bi sorten hedapena eta publizitatea. Jardueren hedapenerako eta publizitaterako baldintzak Euskarabidearekin egindako bileran erabakiko dira, lanak adjudikatu ondotik. Komunikazio-planak honako hauek hartu beharko ditu barnean, gutxienez: hedapen-plan bat sare sozialetan, publizitateko materialaren diseinua eta inprimatzeko plana, eta Euskarabidearekin, Hezkuntzarekin eta udaletako euskara zerbitzuekin koordinatzeko plana.

3. KONTRATAZIO ORGANOA ETA UNITATE KUDEATZAILEA

Kontratazio organoa Euskarabidea-Euskararen Nafar Institutuko zuzendari kudeatzailea da, Nafarroako Foru Komunitateko Administrazioaren izenean eta hura ordezkatzuz. Euskararen Sustapenaren eta Plangintzaren Zerbitzua izanen da organo kudeatzailea.

4. ADJUDIKAZIO-PROZEDURA

Agiri honen xede den kontratua prozedura irekia erabiliz adjudikatuko da, bat etorritz Kontratu Publikoei buruzko apirilaren 13ko 2/2018 Foru Legean ezarritakoarekin. Espedientea tramitazio arruntekoa da.

5. GAUZATZEKO EPEA

Kontratua egikaritzeko epea sinatzen den egunaren biharamunean hasiko da eta 2022ko azaroaren 15ean amaituko.

6. LIZITAZIOAREN GEHIENEO AURREKONTUA ETA KONTRATUAREN BALIO ZENBATETSIA

Kontratuaren balio zenbatetsia 82.644,62 eurokoa da (BEZik gabe), 61.983,47 euro 1. sortan eta 20.661,15euro 2.ean, Kontratu Publikoei buruzko apirilaren 13ko 2/2018 Foru Legearen 42. artikuluan ezarritakoaren arabera kalkulatuta.

Lizitazioaren gehieneko aurrekontua 100.000 eurokoa da (BEZa barne), 75.000 euro 1. sortan eta 25.000 euro 2.ean.

Gastua egotziko zaio 2022ko gastuen aurrekontuko "IKTetan euskara erabiltzeko Sarean Euskaraz programa" izeneko B30002 B3200 2279 334100 partidari.

7. LIZITATZAILEEK BETE BEHAR DITUZTEN BALDINTZAK

Kontratazio-prozeduran parte hartzen ahalko dute jarduteko gaitasun osoa duten pertsona natural edo juridikoek, espainiarrek nahiz atzerriarrek, kontratatzeke debekurik edo bateraezintasunik ez badute eta interes gatazkan ez badaude. Betekizun horiek guztiak eskaintzak aurkezteko epea bukatzen den unean bete behar dira.

Euskarabideak kontratuak egiten ahalko ditu aldi baterako enpresa-elkarteekin edo taldean parte hartzen duten pertsonekin, Kontratu publikoei buruzko apirilaren 13ko 2/2018 Foru

Legearen 13. artikuluan xedatzen diren baldintzetan. Baterako parte-hartze hori agiri pribatu baten bidez egiaztatu beharko da, non lizitatzailleek batera aurkeztu nahi dutela adierazi behar baitute, bai eta bakoitzaren partaidetza portzentajea zehaztu, eta ordezkari edo ahaldun bakarra izendatu ere; azken horrek ahalmenak izanen ditu parte hartzaile guztien eskubideak erabiltzeko eta kontratutik eratorritako betebeharrak betetzeko, hura azkendu arte.

Aldi baterako elkarte batean edo talde batean parte hartzen duten lizitatzailleek betebeharrak solidarioa izanen dute.

Lizitazio eskaintza bateratua aurkezten duten enpresek ezin izanen dituzte bakarkako proposamenak aurkeztu sorta berean, ez eta aldi baterako beste elkarte batean sartuta edo beste enpresa batzuekin elkartuta ere. Debeku hori hausten bada, ez da onartuko enpresa lizitatzaille arau-hausleak sinatzen duen eskaintzarik.

Lizitazioaren ondorioetarako, aldi baterako elkartean aurkezten diren enpresak eta taldean parte hartzen duten pertsonak adierazi beharko dituzte batasun horiek osatzen dituzten kideen izenak eta inguruabarrak, baita kide bakoitzaren partaidetza ere, eta adierazi beharko dute konpromisoa hartzen dutela aldi baterako elkarte gisara formalki eratzeke kontratuaren adjudikaziodun izatekotan. Kide bakoitzak egiaztatu beharko du jarduteko gaitasuna eta kaudimen ekonomikoa, finantzarioa, teknikoa eta profesionala dituela, agiri honetan ezarritakoaren arabera.

Baldintza horiek egiaztatuko dira lizitatzaillearen erantzukizunpeko adierazpenarekin. Adierazpen hori agiri honen I. eranskinean dago.

8. KAUDIMEN EKONOMIKO ETA FINANTZARIOA

Lizitatzailleak kontratua egikaritzeko kaudimen ekonomiko eta finantzario aski duela frogatu beharko du, hau da, enpresak ekonomia eta finantza egoera egokia duela, halakoa non izaera horietako ezein gorabeherak ez duen arriskuan jarriko kontratua behar bezala egikaritzea.

Kontratu honetan, egiaztatuko da azken hiru ekitaldietan (2019-2020-2021) kontratuaren xedea baino goragoko jarduera-arloan izandako negozio-bolumen globalari buruzko deklarazio baten bidez. Aipaturiko adierazpena I. eranskinean txertatuko da. Kontratuaren indarraldi osoan eutsi beharko zaio eskatutako kaudimen ekonomikoari.

Baterako parte hartzeetan, kaudimen ekonomikoa eta finantzarioa frogatuko dira batera aurkezten diren enpresetako edozeinek emandako datuekin, edo enpresa guztien datu metatuekin.

9. KAUDIMEN TEKNIKOA

Lizitatzailleak kaudimen teknika duela frogatu beharko du, hau da, kontratua behar bezala egikaritzeko gaitasun tekniko edo profesionala duela.

Kaudimena egiaztatzeko, erakunde lizitatzailleak aurkeztu behar du azken hiru urteetan eman dituen zerbitzu nagusien zerrenda; zerbitzu horiek, betiere, izan behar dituzte kontratu honen xedearen ezaugarri berak edo antzekoak. Zerrenda horretan xehetasun hauek adierazi behar dira: zenbatekoa, data, eta zerbitzu horien hartzaile publikoa edo pribatua, betiere guztira lizitazio honetarako aurreikusitako aurrekontuaren zenbateko berdina edo handiagoa osatzen badute, eta hartzaileak behar bezala gauzatu izanaren ziurtagiriekin abalatuta.

Ziurtapen hori ez da beharrezkoa izanen Nafarroako Gobernuari emandako laguntza zerbitzuen kasuan; halakoetan aski izanen da, besterik gabe, entitate horrendako egindako zerbitzuak aipatzea.

10. ESKAINTZEN AURKEZPENA

10.1.- TOKIA ETA EPEA

Proposamenak Lizitazio Elektronikoen Nafarroako Plataformaren (hemendik aitzina, PLENA) bidez soilik aurkeztu ahal dira; era berean, PLENaren bitartez eginen dira komunikazio oro eta interesdunekin egin beharreko gainerako tramiteak.

Kontratazioaren Atarian argitaratutako lizitazioaren iragarkiarene bidez jotzen ahal da PLENara; handik, interesa duen edozein pertsonak deskargatzen ahal du mahaigaineko aplikazioa. Horren bidez, zifratze mekanismo estandarrak baliatuz, eskaintzak prestatzen eta aurkeztu ahal dira, gutun azal digitalaren bidez, bai eta biltegi seguruan gorde ere.

Deskargatu ondotik, aplikazio hori baliozkoa izanen da PLENaren bitartez beste edozein lizitazio egiteko.

Eskaintzak lizitazioa eginen duenaren mahaigainean zifratzen dira zifratzeko mekanismo estandarrak erabiliz. Behin aurkeztuta, gordailu seguruan gordetzen dira.

Eskaintzak aurkezteko epea lizitaziorako iragarkian finkatuko da, eta gutxienez 15 eguneko izan beharko da, iragarkia Nafarroako Kontratazioaren Atarian argitaratzen den egunetik kontatzen hasita.

Gutun-azalak irekitzeko unean epea kanpoko aurkezpen bat hauteman bada eta aurkezpen horren gaineko arrastoren bat jaso bada, baliozkotu eginen da arrastoak aurkezpenarekin bat egiten badu; eta eskaintza, halaber, luzatutako 24 orduko epearen barnean jaso bada, baliozkotzat jo eta ireki eginen da.

Aitzitik, arrastoak bat egiten ez badu, edo eskaintza jaso bada luzatutako 24 orduko epeetik kanpo, eskaintza baztertuko da eta ez da inoiz ere haren edukia irekiko.

Eskaintza epez kanpo aurkeztu bada eta enpresa edo entitate lizitatzailleak esaten badu eskaintza aurkeztean arazo teknikoak zeudela, eskaintza aurkezteko unean plataforman arazo teknikorik egon zen egiaztatuko da. Plataformaren funtzionamendu arruntean gorabehera teknikoren bat gertatu bazen bakarrik onartuko da aurkeztutako eskaintza. Lizitatzaillearen ezagutza gabeziak edo plataformarekin ikustekorik ez duten arazo teknikoek ez dute justifikatuko eskaintza denboraz kanpo aurkeztea, eta eskaintzak ez dira onartuko.

10.2. PROPOSAMENEN FORMA ETA EDUKIA

Enpresa lizitatzailleek Lizitazio Elektronikoaren Plataformak eskatzen dituen tramite eta inprimaki guztiak beteko dituzte eskaintzak aurkezteko.

Eskaintzak aurkezten edo/eta sinatzen dituzten pertsona fisikoak behar bezala identifikaturik egon beharko dira, eta ordezkari sinatzaileen kasuan, Lizitazioaren Plataforman jarduteko eta aritzeko baimena emanen dien ahalorde aski izan beharko dute.

Sinadura elektronikoa aitortuarekin sinatuko da eskaintza. Sinadura elektronikoa hori ziurtapen zerbitzuen emaila batek baliozkotasunez emana izanen da, eta agiriaren, eskaintzaren eta hari lotutako dokumentu guztien identitatea eta osotasuna bermatuko ditu, Sinadura Elektronikoari buruzko abenduaren 19ko 59/2003 Legean eta kontratazio publiko elektronikoen gainerako xedapenetan xedatutakoaren arabera.

Eskaintza elektronikoa eranstean zaion banakako fitxategi bakoitzak 50 MB-eko tamaina izan behar du, gehienez ere. Eskaintzaren tamaina osoa, barneko dokumentu guztiak barne, 100 MB-eko izan behar du, gehienez ere. Plataformak ez du mugarik jartzen eskaintza bati erants dakikeen fitxategi kopuruan.

Erabili ohi diren formatuak onartuko ditu PLENak eskaintzaren aurkezpenean eranstean diren dokumentuendako (doc, docx, xls, xlsx, ppt, pptx, rtf, sxw, abw, pdf, jpg, bmp, tiff, tif, odt, ods, odp, odi, dwg, zip.); bestelako formatuak dituzten artxiboak erantsi nahi badira, artxibo konprimatu batean (ZIP) bilduz eranstean ahalgo dira.

Plataformako formularioetan sartutako balio objektiboen eta irizpide bakoitzari eusten dioten dokumentu atxikien artean desadostasunak badaude, entitate edo enpresa lizitatzailleak elektronikoki izenpetutako dokumentu eta eranskinek izan behar dute lehentasuna.

Eskaintza nork egin duen alde batera utzita, eskaintza elektronikoa sinatu beharko du enpresaren edo entitatearen izenean eta hura ordezkatzeko ahalorde askietsia duen pertsonak. Beraz, bi aukera daude:

- Edo eskaintza osoa sinatzen da elektronikoki enpresaren edo entitatearen ahalordedunaren ziurtagiriarekin. Hala egiten bada, aplikazioaren formularioetan sartutako informazio ekonomikoa baliozkoa izanen litzateke.

- Edo eskaintza legezko pertsona baliozko baten ziurtagiriarekin sinatzen da (pertsona fisiko edo juridiko ordezkariaren baliozko ziurtagiria) eta ahalordedunak edo ahalordedunek sinatutako dokumentu elektronikoak eransten dira.

Proposamenak aurkezteak esan nahi du pertsona edo entitate lizitatzailleak agiri honetako klausulak onartzen dituela baldintzarik gabe, eta erantzukizunpeko adierazpena egiten duela adieraziz aurkeztutako datu guztiak zehatzak direla eta lanen kontrataziorako eskatzen diren baldintza guzti-guztiak betetzen dituela.

Enpresa lizitatzailleak eskaintza ixten duenean, haren edukiaren arrasto bat –laburpen kriptografikoa– sortuko da, eskaintza aurkeztu izanaren egiaztagiri gisa. Lizititzen duenak arazorik badu PLENA plataforman bere eskaintza aurkezteko tenorean, arrastoa –laburpen kriptografikoa– eskaintzak aurkezteko epemugaren barnean bidaliz gero kontratazio-organoari (Kontratazio Atarian ezarritako harremanetarako posta elektronikora), epea 24 orduz luzatuko da eskaintza osoa PLENAREN bidez jasotzeko eta aurkezpena osatutzat jotzeko. Beharkizun horiek bete ezean, ez da onartuko lizitazioaren iragarkian ezarritako epetik kanpo jasotzen den parte hartzeko eskaerarik.

Agiriak zer ekipotatik aurkeztu behar diren, beharrezkoa da ekipo horrek 5 minututik gorako desfasea ez izatea Nafarroako Gobernuaren zerbitzariaren orduarekin.

Nafarroako Gobernuko zerbitzariak denbora unibertsal koordinatua (UTC) baliatzen dute, hau da, erreferentziako nazioarteko laborategiek mantentzen duten denbora eskala unibertsala, honako zehaztasun hau duena: +/- 1 segundo. Hori izanen da, hortaz, zerbitzu elektronikoen ordu ofiziala.

- Lehen mailako iturria: hora.roa.es (Armadaren Errege Institutua eta Behatokia: bi zerbitzari San Fernandon, Cadizen, eta hirugarren bat Madrilen)

- Bigarren mailako iturriak:

- o canon.inria.fr , INRIA, Paris

- o i2t15.i2t.ehu.es, EHU

Lizitazio elektronikoaren plataforman eskaintza honetarako ezarritako egituraren arabera aurkeztuko dira lizitatzailleen proposamenak, eta gutun-azalak hiru izanen dira, honela identifikatuta:

- A gutun-azala: Dokumentazio orokorra.

- B gutun-azala: Irizpide kualitatiboak

- C gutun-azala: Formula bidez zenbatestekoak diren irizpideak.

Gutun-azal bakoitzean honako dokumentu hauei dagozkien artxibo elektronikoak sartuko dira:

A gutun-azala: "Dokumentazio orokorra". (Bakarra)

Lizitatzaillearen erantzukizunpeko adierazpena, honako hauek frogatzen dituen: administrazioarekin kontratatzeke beharkizun orokorren betetzea, nortasuna, gaitasuna eta kaudimena. Horretarako, I. eranskinean ezarritako eredia erabiliko da, eta agiri honen 9. atalean eskaturiko kaudimen teknikoaren egiaztagiriak aurkeztuko dira horrekin batera.

Aipaturiko adierazpenean, nahitaez paratu beharko da helbide elektroniko bat, jakinarazpen telematikoak jasotzeko.

- Beste batzuekin batera edo enpresen aldi baterako elkarte batean parte hartzen duten pertsonen kasuan, kide bakoitzak erantzukizunpeko adierazpen bat aurkeztu beharko du. Gainera, agiri pribatu bat gehituko da, non lizitatzailleek batera aurkeztu nahi dutela adierazi behar baitute, bakoitzaren partaidetza portzentajea zehaztu, eta ordezkari edo ahaldun bakarra izendatu, kontratuak azkendu arte sortzen dituen eskubideak erabili eta betebeharrak betetzeko ahalmenak izanen dituen. Enpresek eta ahaldunak sinatu beharko dute agiri hori.
- Azpikontratazioetan, lizitatzailleak erantzukizunpeko adierazpenean jaso beharko du, batetik, azpikontratisten zerrenda eta, bestetik, baduela agiri bat egiaztatzen duena konpromiso formal bat dagoela enpresa azpikontratista kontratua egikaritzera behartzeko ahalmena duten pertsonekin.

B gutun-azala: "Irizpide kualitatiboak" (zenbat sortatara aurkeztu, hainbat).

Gutun-azal honetan, lizitatzailleak aurkezten duen dokumentazio tekniko guztia sartu behar da, Kontratuei buruzko Foru Legearen 97. artikuluekin bat. Irizpide kualitatiboak baloratzeko eta puntuatzeko erabiliko da dokumentazio hori, eta hartan azaldu beharko da zer prestazio egin beharko diren kontratua egoki egikaritzeko.

Laneko proposamen teknikoa ere eduki behar du, lehen puntuan definituriko helburuei egokitua eta ezarritako baldintza teknikoei doitua.

Bertan zehaztuko da euskara IKTetan (informazioaren eta komunikazioaren teknologiak) eta kultura digitalean sustatzeko haurrengan eta gazteengan eragin berezia izanen duten jarduerak egiteko proiektua eta, orobat, hura baloratzeko aurkeztu nahi diren gainerako agiriak, adjudikazio irizpideekin bat. Zehaztu behar da zer jarduera egingen diren. Proposamenean ahalik eta zehatzen jaso beharko dituzte jarraituko duten programazioa, metodologia eta dinamizazioa, komunikazio-plana eta kontratu honen barruan egin nahi diren balio erantsiko elementuak, bai eta zein baliabide erabiliko diren ere behar bezala amaitzeko lana

jardunaldietarako ezarritako epean 1. sortaren kasuan, eta programatutako 18 ikastaro eta lantegiak 2. sortaren kasuan.

Era berean, adjudikazio-irizpideen arabera baloratu daitezkeen datuak ere sartu behar dira horiek kontuan hartzea nahi izanez gero, C gutun-azalean formulen bidez baloratu beharreko alderdiak sartu gabe.

C gutun-azala: "Formula bidez zenbatesten ahal diren irizpideak" (zenbat sortatara aurkeztu, hainbat)

Gutun azal honetan sartu behar dira eskaintza ekonomikoa eta formulen bidez zenbatestekoak diren irizpideei dagokiena.

Lizitatzailerak bakoitzak agiri honen III. eta IV. eranskinetan ezartzen diren ereduaren arabera jasoko ditu eskaintza ekonomikoa eta formula bidez zenbatestekoak diren irizpideei dagokiena.

Proposamen ekonomikoa behar bezala sinatu beharko du pertsona edo entitate lizitatzailerak edo hura ordezkatzen duenak, eta ezin izanen du gainditu kontratu honetarako ezarritako gehieneko prezioa. Prezioak eurotan emanen dira eta ulertuko da bertan barne hartzen direla zerga eta tasa aplikagarri guztiak, eta sortzen den zeinahi gastu.

Eskaintza ekonomikoak egokia izan behar du adjudikazio-hartzailea gai izan dadin kasuan kasuko sektoreko hitzarmenaren aplikaziotik heldu den kostuari aurre egiteko, gutxienez ere; finkaturiko soldaten orduko prezioak ezin izanen dira inolaz ere apalagoak izan hitzarmeneko orduko prezioak, gehi hitzarmeneko orduko prezioari buruzko hobekuntzak gehi Gizarte Segurantzako kostuak baino.

Eskaintako prezioaren kalkulak barne hartuko ditu jarduera egiteak ekarriko dituen ordainsari eta egiturazko kostu guztiak; bertzeak bertze:

- Langileen ordainsariak. Gutxienez, Nafarroako bulego eta langelen sektorearen hitzarmen kolektiboan ezarritako soldata baldintzak bete beharko dira.
- Egiturazko gastuak, kontratu honen xedearekin zuzenki loturik badaude. Sartu behar da ikastaroak eta tailerrak emanen dituzten hizlarien zerrenda, baita horietan parte hartzeko duten konpromiso argia ere.

11. KONTRATAZIO MAHAIA

Kontratu Publikoei buruzko 2/2018 Foru Legeak 50. artikuluan xedatzen duenaren arabera, kide hauek osatutako kontratazio mahaia eratuko da:

- Mahaiburua: Paula Kasares Corrales, Euskararen Sustapenaren eta Plangintzaren Zerbitzuko zuzendaria.

Ordezkoa: Ander Irizar Apaolaza, Hizkuntza Baliabideen Zerbitzuko zuzendaria.

- Idazkaria: Aitziber Gutiérrez Díaz, APT arlo juridikoa.

Ordezkoa: Herritarrekiko Harremanetako Departamentuko APT arlo juridikoko lanpostua betetzen duen pertsona.

- Esku-hartzea: Miren Rico Nogales, Herritarrekiko Harremanetako Departamentuko kontu-hartzaile delegatua edo legez hura ordezkatzeko duena.

- Mahaikidea: Esther Mugertza Imaz, Euskara Sustatzeko Ataleko burua.

Ordezkoa: Javier Fernández Anaut, Euskararen Egiaztapenen eta Prestakuntzaren Ataleko burua.

- Mahaikidea: Jon Bujanda Cambra, erdi mailako euskara teknikaria.

Ordezkoa: Koldo Los Arcos Pérez, erdi mailako euskara teknikaria.

Kontratazio mahaiak Kontratuei buruzko Foru Legeak 50. eta 51. artikuluetan ematen dizkion eginkizunen arabera jokatu du eta Sektore Publikoko Araubide Juridikoari buruzko urriaren 1eko 40/2015 Legeak xedatzen duenaren arabera gobernatuko da deialdiaz, saioez, quorumaz, mahaikideen eginkizunez, aktez, abstentzioaz, errekusazioaz eta abarrez den bezainbatean. Edozein proposamen egin baino lehenago, mahaiak beharrezkotzat jotzen dituen txostenak eska ditzake, baldin eta kontratuaren xedearekin zerikusia badute.

12. DOKUMENTAZIOA ETA ESKAINTZAK BALORATZEA

Proposamenak aurkezteko epea bukatu ondoren, Kontratazio Mahaiak A gutun-azalean aurkeztutako dokumentazio administratiboa kalifikatuko du.

Aurkeztutako dokumentazioa ez bada osoa edota zalantzaren bat sortzen bada, Lizitazioaren Plataformako jakinarazpenen modulua baliatuz eskatuko zaio eskaintza aurkeztu duenari dokumentazio hori osatzeko edo akatsak zuzentzeko, gutxienez bost egun naturaleko epean, errekerimendua jakinarazten den egunetik hasita. Izapide honetan aurkeztutako dokumentazioak inolaz ere ez ditu eskaintzaren baldintzak aldatzen ahal.

Dokumentazio administratiboa kalifikatu ondoren, mahaiak onartutako enpresen B gutun-azalak ("Irizpide kualitatiboak") ireki eta baloratuko ditu, aipatutako adjudikazio-irizpideen arabera.

Nafarroako Kontratazioaren Atarian gutxienez hiru egun lehenago lizitazioaz argitaratutako iragarkiak adierazten duen egun eta orduan, Kontratazio Mahaiak plataforman argitaratuko ditu lizitatzailerik aurkeztutako dokumentazioaren kalifikazioak izandako emaitzak, honako datu

hauek zehaztuz: onartutako lizitatzailleak, erakunde nahiz pertsona, onartu ez direnak, ez onartzearen arrazoiak eta proposamen teknikoen balorazioa.

Eskaintza kualitatiboen balorazioa egin eta gero, Nafarroako Kontratazioaren Atarian argitaratuko da, gutxienez hiru egun lehenago, zer toki, egun eta ordutan irekiko diren formula bidez zenbatestekoak diren eskaintzak (eskaintza ekonomikoak) gordetzen dituzten gutun-azalak. Une horretan, aipatu eskaintzak ireki aitzin, Lizitazioen Plataforman jasoko da enpresa lizitatzailleek aurkeztutako dokumentazioaren kalifikazioa, honako datu hauek zehaztuz: onartu diren eta onartu ez diren proposamenak, ez onartzearen arrazoiak eta irizpide kualitatiboen gainean Mahaiak eginiko balorazio teknikoaren emaitza.

13.- ADJUDIKAZIO-IRIZPIDEAK.

Sorta bakoitzaren kontratuaren adjudikazioa egingen da kostu-eraginkortasun irizpideei (prezioa) zein irizpide kualitatiboei jarraikiz, adjudikazioa proposamen onuragarrienari emateko asmoz, halakotzat harturik puntu gehien duen eskaintza adjudikazio irizpide hauek aplikatuta:

13.1 Irizpide kualitatiboak: proiektuaren balio teknikoa, gehienez ere 55 puntu.

a) Proposaturiko metodologia: Berariaz baloratuko da prestakuntza eta dibulgazio arloko proposamenaren dinamizazioa. Gehienez ere, 12.5 puntu. Berariaz baloratuko da Hezkuntzarekiko, toki-erakundeetako euskara zerbitzuekiko eta Nafarroako Gazteriaren Kontseiluarekiko koordinazioa, publiko potentzialera zuzenago iristeko. Gehienez ere, 12.5 puntu. Berariaz baloratuko dira proposamena COVID-19ak sortutako egoerara egokitzeko gaitasuna eta baliabideak. Gehienez ere, 5 puntu.	30
b) Ekitaldiaren zabalkunde plana/komunikabide plana: 10 puntu arte. Sartu behar dira ekitaldiaren propagandaren diseinua, liburuxkak, kartelak eta abar, bai eta sare sozialetan eta komunikabideetan nola zabalduko den ere.	10
c) Jarduerak behar bezala egiteko beharrezkoa den azpiegitura teknikoa (ordenagailuak, sareko konexioa, proiektagailua...) eta baliabide pertsonalak, baita aldibereko itzulpena egiteko langileak eta tresnak ere, beharrezkoa bada: 5 puntu arte.	5
d) Balio erantsia: ekarpenen kopurua eta ekarpen osagarrien kalitatea: Gehieneko puntuazio hori aplikatuko zaio honako irizpide hauen arabera ekarpen baloragarri gehien dauzkan eskaintzari: elkarrekintza, teknologien erabilera, irisgarritasuna, kokapena eta proposamena zabaltzeko aukerak, hala nola mikroorrialdeen, bideoen eta rollerren bidez. Gainerako proposamenek hiruko erregela zuzen hau aplikatu ondoren ateratzen den puntuazioa izanen dute: 10 bider baloratutako enpresaren ekarpen-kopurua zati kopuru handiena duen enpresaren ekarpen-kopurua.	10

13.2. Formula bidez zenbatestekoak diren irizpideak: gehienez ere 45 puntu.

a) Berariaz baloratuko da ikastaro bakoitzaren funtzionamendua azaltzeko alde aurreko online saioak egitea. 0,5 puntu ikastaro bakoitzeko, 5 puntura arte gehienez.	5
b) Irizpide sozialak: - Langabezian dauden emakume gazteen kontratazioa (18-30 urte): 2,5 puntu emanen dira lantaldean sartzen den emakume bakoitzeko, 5 puntura arte gehienez. - Desgaitasuna duten pertsonen kontratazioa: 2,5 puntu emanen dira % 33ko edo gehiagoko desgaitasuna duen langile bakoitzeko (kontratura atxikitako taldearen barnean egon beharko dute); 5 puntura arte gehienez.	10 5 5
c) Eskaintza ekonomikoa:	30
Gehieneko puntuazioa eskaintza merkeenari emanen zaio. Gainerako eskaintzek formula hau aplikatu ondoan ateratzen den puntuazioa izanen dute: $\text{Puntuak} = \frac{(\text{Kontratuaren gehieneko aurrekontua} - \text{lizitatzaillearen proposamen ekonomikoa}) \text{ BEZik gabe}}{(\text{Kontratuaren gehieneko aurrekontua} - \text{Gutxieneko aurrekontua}) \text{ BEZik gabe}} \times 30$ Eskaintza ekonomikoetako batek bat egiten badu lizitazioko gehieneko aurrekontuarekin, 0 puntu eskuratuko ditu.	

13.3. Eskaintza baxuegiak: Eskaintzak baxuegitzat joko dira lizitazioko gehieneko prezioarekiko beherapena % 25 baino gehiago bada; halakoetan, Kontratu Publikoei buruzko apirilaren 13ko 2/2018 Foru Legearen 98. artikuluan ezarritakoari jarraituko zaio.

14. ADJUDIKAZIO-HARTZAILE GISA PROPOSATURIKO LIZITATZAILEAK AURKEZTU BEHARREKO DOKUMENTAZIOA

Behin adjudikazioaren proposamena modu elektronikoan jakinarazita, proposatutako lizitatzailleak edo lizitatzailleek 7 egun naturaleko epea izanen du edo dute dokumentazio hau aurkezteko Lizitazioaren Plataformaren bidez:

a) Nortasuna frogatzen duen agiria:

- Lizitatzaila pertsona fisikoa bada, nortasun agiri nazionala edo araudiaren arabera hura ordezkatzeko duen agiria.
- Lizitatzaila pertsona juridikoa bada, eratzeko eta, halakorik bada, aldatzeko eskritura aurkeztu beharko dira, dagokien erregistroan behar bezala inskribatuak.
- Proposamenak beste pertsona baten izenean aurkezten edo sinatzen dituztenek honako hauek aurkeztu beharko dituzte: ordeztu den pertsonaren ahalorde askietsia eta nortasun agiri nazionala. Lizitatzaila pertsona juridikoa bada, ahalordea dagokion erregistroan behar bezala inskribaturik egon beharko da, betebeharrak hori eskatzekoa denean aplikagarri zaion merkataritzari buruzko legeriaren arabera.
- Nafarroako Foru Komunitateko Lizitatzailen Borondatezko Erregistroan (apirilaren 19ko 174/2004 Foru Dekretuaren bidez sortua) inskribatuta dauden enpresen kasuan, lizitatzailak ez du bere nortasunari edo ordezkartzari buruzko agiririk aurkeztu beharko, baldin eta aurkezten baditu erregistro horretan inskribatuta egotearen ziurtagiriaren kopia, modu elektronikoa Internet bidez eskuratua, eta horren indarraldiaren gaineko erantzukizunpeko adierazpena.

b) Nafarroako Gobernuak Ekonomia eta Ogasun Departamentuaren ziurtagiria, proposamenak aurkezteko epea amaitu baino gehienez ere hiru hilabete lehenago egin, adjudikaziodunak Nafarroako Zerga Ogasunarekiko zerga betebeharrak eguneratuak dituela egiaztatzen duena.

c) Adjudikaziodunak zerga Nafarroatik kanpora ordaintzen badu, aurreko puntuan aipatzen denaren antzeko ziurtagiria, Zerga Agentziak edo Foru Ogasunak egin.

d) Adjudikazio-hartzaileak Gizarte Segurantzarekiko betebeharrak eguneraturik dituela egiaztatzen duen agiria, proposamenak aurkezteko epea amaitu baino gehienez ere sei hilabete lehenago egin.

e) Lan-kontratuak kontratatutako pertsona bakoitzari eragiten dion zailtasuna egiaztatzen duen dokumentazioarekin batera (desgaitasun-ziurtagiria, Gizarte Eskubideen Sailak emandako ziurtagiria, dagokion Enplegu Agentziaren txostena, etab.), baldin eta agiri honetako 13.2.b klausulan (neurri sozialak) ezarritako irizpideak baloratu badira.

f) Lan-kontratuak kontratatua langabezian zegoela egiaztatzen duten agiriekin batera, baldin eta agiri honetako 13.2.b klausulan (gizarte-neurriak) ezarritako irizpideak baloratu badira.

Behar diren agiriak epe horretan aurkeztu ezean, adjudikazio-hartzailea prozeduratik kanpo geldituko da, eta kontratuaren balio zenbatetsiaren % 5eko penalizazioa ordaindu beharko du, bai eta kalte-ordain osagarria ere, portzentaje horren gainera eragindako kalte eta galerengatik.

15. KONTRATUA ADJUDIKATZEA ETA FORMALIZATZEA

Kontratazio Mahaiak behar den adjudikazio-proposamena igorriko dio Euskarabidea-Euskararen Nafar Institutuko zuzendari kudeatzaileari, kontratua adjudikatzeko ebazpena eman dezan. Proposamen horretan jasoko dira ezarritako irizpideak aplikatuz proposamen bakoitzari buruz egindako balioespenak, eta horren barrenean, berriz, proposamen onargarria egin duten lizitatzailen lehentasunaren hurrenkera, atera duten puntu kopurua zehaztuz eta adieraziz, hala behar badu, eskaintako zer hobekuntza eman diren ontzat.

Adjudikazioa behar bezala arrazoitu beharko da, bai eta lizitatzaila guztiei jakinarazi ere; gainera, horren eragingarritasuna etenda geldituko da 10 egun naturalean, adjudikazioaren jakinarazpena bidaltzen den egunetik hasita

Kontratua agiri administratibo batean formalizatuko da, adjudikazioaren etete epea bukatu ondoko 15 egun naturaleko epearen barnean. Administrazioak eta kontratistak formalizatuko dute kontratua.

16.- KONTRATUA GAUZATZEA

16.1.- Kontratua Euskarabidea-Euskararen Nafar Institutuaren gainbegiratze, ikuskatze eta kontrol pean gauzatuko da.

Lanak egikarituko dira klausula hauei eta langile arduradunek idatziz emandako jarraibideei loturik. Kontratistak une oro men egin beharko die indarrean dagoen legeriak Administrazio kontratugileari kontratua interpretatzeko, aldatzeko eta suntsiarazteko ematen dizkion ahalmenei.

16.2.- Adjudikazio-hartzailea izanen da zerbitzua emateko hautaturiko langileen arduradun bakarra eta, beraz, inola ere ez dute kontratu edo lan harremanik izanen Euskarabidea-Euskararen Nafar Institutuarekin.

Euskarabidea-Euskararen Nafar Institutuak beretzat gordeko du ahalmena enpresari eskatzeko zerbitzua ematen duten langileak ordezkari ditzen, non eta, bere iritziz, ez diren ari zerbitzua behar bezainbateko kalitate mailarekin ematen.

16.3. Kontratatzan diren lanak egiteko behar diren langile guztiek euskara maila aski izan beharko dute esleitutako lanak egiteko; gomendatzen da Hizkuntzetarako Europako Erreferentzia Esparruko C1 mailako euskara titulua izatea.

Halaber, enpresa beharturik dago kontratua egoki gauzatzeko beharrezkoak diren ekipoa, baliabide lagungarriak, bulegoa, aretoak eta langileak jartzera, bai eta udaletako euskara zerbitzuekin eta Nafarroako Gazteriaren Kontseiluarekin koordinatzera ere.

16.4.- Euskarabidea-Euskararen Nafar Institutua aske gelditzen da, ondorio guztietarako, enplegatutako langileekiko zernahi harreman funtzional, organiko edo lanekotik, kontratuaren indarraldian zein behin kontratua burututakoan.

16.5.- Enpresa kontratistak Nafarroako Gobernuaren sinbolo ofiziala eta haren erabilera arautzen dituen urtarilaren 12ko 8/2020 Foru Dekretuak ezarritako betekizunak bete beharko ditu.

Halaber, kontratua gauzatzearen ondorioz ekoitzi edo zabalduetako zeinahi dokumentazio, iragarki, dibulgazio edo informazio materialetan adierazi beharko da Nafarroako Gobernuaren zerbitzu bat dela eta Nafarroako Gobernuaren sinboloa azaldu beharko da, baita Euskarabidea-Euskararen Nafar Institutuaren aipamena ere, erakunde kontratatzailea den aldetik.

17. LANEN ORDAINKETA.

Ordainketa bakarra egingen da, lana burututakoan. Euskararen Sustapenaren eta Plangintzaren Zerbitzuak egiaztatuko du lana behar bezala bete dela. Horretarako, enpresa adjudikazio-hartzaileak kontratuaren arabera gauzatutako lanen memoria bat aurkeztu beharko du, dagokien fakturarekin batera. Memoriak jardueraren inpaktua neurtzen lagunduko duten datu objektibo eta kuantifikagarriak jaso beharko ditu (adib.: parte-hartzaileen kopurua).

18. KONTRATUA BETETZEA

Pertsona edo entitate adjudikazio-hartzaileak ekintza eta ikastaro guztiak gauzatu beharko ditu kontratuaren epean eta kontratazioa zuzentzen duten agiriei eta eskaintzaren edukiari jarraikiz. Kontratua bete dela egiaztatuko da Euskarabidea-Euskararen Nafar Institutuaren oniritziarekin.

18.1. Ez-betetzeak.

Kontratistaren ez-betetzetzat joko dira honako jokabide hauek:

Ez-betetze arinak

A.1 Agiri honetan eskatutako langileak edo baliabide materialak kontratua egikaritzean erabiltzeko edo horretara atxikitzeko konpromisoa ez betetzea. Lizitazio-proposamenean zerrendatutako hizlariak tailerretan eta ikastaroetan parte ez hartzea ere sartzen da.

A.2 Lanak entregatzeko epea ez betetzea.

Ez-betetze astunak

B.1 Kontratua akatsekin egikaritzea, hots, baldintza teknikoetan eskatutako kalitate mailara iritsi gabe.

B.2 Azpikontrataziorako ezarritako baldintzak haustea.

B.3 Kontratua kudeatzen duen unitateak emandako aginduak ez betetzea, hura egikaritzeari dagozkion gaietan.

C. Ez-betetze oso astunak

C.1 Kontratua egikaritzeko baldintza bereziak ez betetzea.

C.2 Lan edo gizarte arloko betebeharrak ez betetzea langileei dagokienez.

C.3 Emakumeen eta gizonen arteko berdintasunaren arloko araudia ez betetzea.

18.2 Zehapenak

Kontratistaren ez-betetzeak sailkapen honen arabera zigortuko dira:

a) Ez-betetze arinak, adjudikazio zenbatekoaren % 1 gehienez.

b) Ez-betetze astunak, adjudikazio zenbatekoaren % 1etik % 5eraino, kontuan hartuta kontratistaren zabarkeriaren maila, ez-betetzeak eragindako kalteen garrantzi ekonomikoa edo berrerortzea.

c) Ez-betetze oso astunak, adjudikazio zenbatekoaren % 5etik % 10eraino, kontuan hartuta kontratistaren arduragabekeriaren maila, ez-betetzeak eragindako kalteen garrantzi ekonomikoa edo berrerortzea.

Ez-betetze oso astunen ondoriozko zigorra kontratuaren zenbatekoaren % 20 adinakoa izaten ahalko da, foru lege horren 66. artikuluan aurreikusitako kontratua egikaritzeko baldintza bereziak betetzen ez direnean.

Kontratistari ezartzen ahal zaizkion zigorren gehieneko zenbateko osoa ez da adjudikazio zenbatekoaren % 20 baino gehiago izanen. Ez-betetzeak eragindako zigorrak adjudikazio zenbatekoaren % 10 baino handiagoak direnean, hasten ahalko da kontratatzeke debekua deklaratzeko prozedura.

18.3. Arriskua eta mentura.

Kontratua kontratistaren arrisku eta menturara gauzatuko da eta hura egikaritzen ari den bitartean gerta daitezkeen galera, matxura edo kalteak kontratistaren kontura izanen dira, batere ukatu gabe haietarako aseguru egiteko aukera.

18.4. Kontratua egikaritzean eragindako kalte-galerak.

Kontratistari egozten ahalko zaizkio kontratua egikaritzearen ondorioz jabetzaren nahiz hirugarrenen ondasun eta pertsonen eragiten zaizkien kalte eta galera guztiak. Foru Komunitateko Administrazioak bakarrik erantzunen du bere organoen berehalako eta zuzeneko aginduen ondoriozko kalte-galerengatik.

18.5. Kontratistak lan araudia betetzea.

Kontratu horrek errespetatu behar ditu lanari, Gizarte Segurantzari eta laneko osasun eta segurtasunari buruzko lege, araudi eta hitzarmen mailako xedapenak, batik bat enpresa kontratistaren jarduerari dagokion sektoreko esparru apalena hartzen duen azken lan-hitzarmen kolektibo sektorialean ezarritako baldintzak.

19. JABETZA INTELEKTUALA

Adjudikazio-hartzaileak espresuki onartzen du egindako lan guztien dokumentuak eta emaitzak eta haien jabetza intelektual Nafarroako Gobernuaren jabetza eskusiboa direla, eta Nafarroako Gobernuak osorik edo partez erreproduzitu ahal izanen dituela.

Enpresa kontratatuak uko egin beharko die kontzeptu horien gaineko eskubide guztiei, eta soil-soilik erabiltzen ahalko ditu etorkizuneko lanen erreferentziatako.

20. DATUAK BABESTEIA ETA KONFIDENTZIALTASUNA.

Enpresa edo pertsona adjudikazio-hartzaileak konpromisoa hartuko du isilpekotasunez eta lanbideko sekretua gordez jarduteko, laguntzaren xede diren datu eta agiriei dagokienez. Erabiltzen diren artxibo, base, memoria eta zerrendak oro Euskarabidea-Euskararen Nafar Institutuaren titulartasunekoak izanen dira. Ezin izanen dira erabili lan horrek ez dituen xedeetarako eta ezin izanen ditu erabili kontratatutako lanaz kanpoko inork.

Enpresa adjudikazio-hartzaileak ezin izanen ditu egiten dituen lanen agiriak eta emaitzak baliatu, ezta etorkizuneko lanerako erreferentzia edo oinarri gisa ere, ez badu Euskarabidea-Euskararen Nafar Institutuaren baimen berariazkoa eta idatzia lortzen horretarako. Baimen berariazkoa eta idatzia beharko du, orobat, ematen zaion informazioa beste entitate publiko nahiz pribatu bati helarazteko.

Gai honi dagokionez, bete beharko da Datu Pertsonalen Babesari buruzko abenduaren 13ko 15/1999 Lege Organikoan eta lege organiko hori garatzeko erregelamendua onesten duen abenduaren 21eko 1720/2007 Errege Dekretuan xedatutakoa, bai eta horiek ordeztzen edo aldatzen dituen zeinahi beste arau.

21. ARAUBIDE JURIDIKOA ETA ERREKURTSOAK

Kontratuaren adjudikazioaz, interpretazioaz, aldaketaz eta suntsitzeaz sortzen diren auzigaiak kontratazio organoak ebatziko ditu, eta haren ebazpenen aurka gora jotzeko errekurtsua aurkezten ahalko da, Nafarroako Gobernuari zuzendua, ebazpena jakinarazi eta biharamunetik hasita hilabeteko epean.

Nafarroako Gobernuak hartzen duen erabakiaren aurka administrazioarekiko auzi-errekurtsua jartzen ahalko da Nafarroako Justizia Auzitegi Nagusiko Administrazioarekiko Auzien Salan, bi hilabeteko epean, jakinarazpena egin ondoko egunetik hasita, hala xedatzen baitu jurisdikzio hori arautzen duen legeak, 46. artikuluan.

Nolanahi ere, lizitazioan interesa duten enpresek eta profesionalek, aukeran eta aurrekoen ordeztzeko, kontratazio publikoaren arloko erreklamazioa aurkezten ahalko dute kontratazio agirien aurka, izapide egintzen edo behin betiko egintzen aurka edo adjudikazio egintzen aurka, baldin eta egintza horien ondorioz lizitaziotik kanpo gelditzen badira edo haien igurikimenei kalte egiten bazaie.

Erreklamazioa Nafarroako Kontratu Publikoen Administrazio Auzitegian aurkezten ahalko da, hamar eguneko epean, aurkaratutako egintza jakinarazi edo argitaratu eta biharamunetik hasita, eta bakar-bakarrik funtsatzen ahalko da Kontratu Publikoei buruzko apirilaren 13ko 2/2018 Foru Legeak 124. artikuluan aipatzen dituen arrazoietan.

I. ERANSKINA

ERANTZUKIZUNPEKO ADIERAZPENA, EUSKARABIDEAREKIN KONTRATATZEKO BALDINTZAK BETETZEN DIRELA ADIERAZTEKO.

..... jauna/andreak, zenbakidun NANA duenak,-(a)ren ordezkari (.....IFK), / bere izenean (ezabatu behar ez dena), bere erantzukizunpean adierazten du:

1.) Berak edo ordezkatzan duen entitateak betetzen dituela Kontratu Publikoei buruzko apirilaren 13ko 2/2018 Foru Legearen 14. artikuluan jarduteko, gaitasun juridikoa edukitzeko eta ordezkari izateko ezarritako baldintzak.

2.) Kontratazioa arautzen duten agiriak ezagutzen eta onartzen dituela eta horiek gauzatzeko hitza ematen duela, baldintzei hertsiki loturik.

☐ 1. sorta

☐ 2. sorta

3.) Ez dagoela Kontratu Publikoei buruzko apirilaren 13ko 2/2018 Foru Legearen 13. artikuluan kontratatzeke debekurako ezarritako zergatietako batean sartuta.

4.) Eguneratuak dituela Gizarte Segurantzaren eta zerga arloko bere betebeharrak guztiak.

5.) Betetzen dituela eskaturiko kaudimen ekonomiko eta finantzarioa, eta kontratuaren xede diren jardueren esparruko negozio bolumena, eskura dauden azken hiru ekitaldietan, honako hau delarik:

URTEA	ZENBATEKOA
2019	 euro
2020	 euro
2021	 euro

6.) Betetzen dituela kontratuaren xede diren prestazioak gauzatzeko eskaturiko lege baldintzak.

7.) Betetzen dituela eskaturiko kaudimen tekniko eta profesionaleko baldintzak eta, ondorio horietarako, adierazten du ondoko zerbitzuak bete dituela:

URTEA	GAIA	HARTZAILEA	ZENBATEKOA
2019			
2020			
2021			

*Adierazpen honekin batera aurkezten dira aipaturiko zerbitzuen frogagiriak, lan horien hartzaile izan diren entitateek emanak.

8.) Nafarroako Foru Komunitateko edozein ordenatako epaitegi eta auzitegien jurisdikzioaren mende jartzen dela prozeduraren ondoriozko gorabehera guztietarako, legokiokeen jurisdikzio-foruari uko eginik.

9.) Helbide elektroniko hau ematen duela, prozeduraren zeinahi faserekin loturiko jakinarazpenak bide telematikoetatik jaso ahal izateko:

.....

10.) Aurreikusten duela ondoko prestazioak azpikontratatzeara. Ondorio horietarako, azpikontratisten adostasun adierazpenak atxikitzen dira (soilik azpikontratazioa aurreikusten bada).

PRESTAZIOA	AZPIKONTRATISTA

Adierazpen honetan aipatzen diren inguruabarrak betetzen dira eskaintzak aurkezteko epearen bukaeran.

(Tokia, eguna eta sinadura)

II. ERANSKINA

FORMULA BIDEZ ZENBATESTEKOAK DIREN IRIZPIDEAK

Aurretiko online saioen kopurua	
Langabezian dauden emakume gazteen kontratazioa.	Izen-abizenak
Desgaitasuna duten pertsonen kontratazioa.	Izen-abizenak

III. ERANSKINA

PROPOSAMEN EKONOMIKOA

Izena: _____ NANA edo IFZ: _____ Helbidea: _____
Telefonia: _____ nire izenean edo honen izenean: _____ arituz, proiektua, administrazio klausulen agiria eta baldintza teknikoak ezaguturik laguntza teknikoaren zerbitzua kontratatzeko euskara IK Tetan (Informazioaren eta Komunikazioaren Teknologia) eta kultura digitalean sustatzeko haurrengan eta gazteengan eragin berezia izanen duten jardunaldiak egiteko, hitzematzen dut zehatz-mehatz beteko ditudala baldintza horietan ezarritakoa eta, orobat, eskaintza hau egiten dut:

PREZIOA

1. sorta: _____ euro (gehi BEZa).

2. sorta: _____ euro (gehi BEZa).

Bi sortak: _____ euro (gehi BEZa).

Iruñean, 2022ko

aren

(e)an

IV. ERANSKINA

ERANTZUKIZUNPEKO ADIERAZPENA, NAFARROAKO FORU KOMUNITATEKO LIZITATZAILEEN ERREGISTROAN JASOTAKO DATUAK EZ DIRELA ALDATU ADIERAZTEKO*

Izena: _____ NAN zenbakia: _____ ,
Nafarroako Foru Komunitateko Lizitatzzaileen Erregistroan _____ zenbakiarekin
izena eman duen enpresaren _____ gisa (1), neure erantzukizunpean aitortzen dut
Lizitatzzaileen Erregistroak dituen enpresaren datuak indarrean daudela eta ez direla deus ere
aldatu, eta Nafarroako Foru Komunitateko Lizitatzzaileen Erregistroko inskripzioaren ziurtagirian,
_____ zenbakiko espedientean, agertzen direnak berak direla. Ziurtagiria agiri honi
erantsia dago, euskara IKTetan (Informazioaren eta Komunikazioaren Teknologiak) eta kultura
digitalean sustatzeko haurrengan eta gazteengan eragin berezia izanen duten jardunaldiak
egiteko laguntza teknikoaren zerbitzua kontratatzeke lizitazioan parte hartu ahal izateko.

(1) Adierazi administratzailea ala ahaldua den.

(tokia, data eta sinadura)

* Argibide gehiago: www.navarra.es (urratsak: zerbitzuen katalogoan, kontratazioen barruan eta
haiekin zerikusia duten esteketan, jo Lizitatzzaileen Borondatezko Erregistrora)

V. ERANSKINA

BATERAKO PARTE-HARTZE EREDUA

.....jaun/andreak,NANa/IFZ duenak,
jakinarazpenetarako helbide hau duenak:
.....,
PK:, herria:, telefonoak:,
bere izenean / sozietatearen ordezkari gisara (dagokion
bezala), IFZ:

Eskaintza taldean elkarturik parte hartzen duten lizitatzailleek aurkeztuz gero, adierazi kasu bakoitzean bidezkoa dena:

o Aldi baterako propio eratzen diren enpresari elkarteetan aurkeztu dira.

☐ Bai ☐ Ez

o Taldean elkarturik aurkeztu dira. Kasu horretan, bakoitzaren partaidetza adierazi.

☐ Bai ☐ Ez

Enpresaren izena..... ⇒ ☐ Partaidetza %

Enpresaren izena..... ⇒ ☐ Partaidetza %

(Erantzukizunpeko adierazpena faltsutzeak kontratatzeke debekua ekarriko du, hala xedatzen baitu Kontratuei buruzko Foru Legeak, 22.1.i) artikuluan).

(Tokia, eguna eta lizitatzaillearen edo lizitatzailleen sinadura)